

甘寧青史略正編

楊思題
卷十三
簽



甘寧青史略正編

楊思題
卷十三

簽



內政部註冊



甘肅青史略
正編廿六卷
附編十四卷

定價全部二十五元

著者 隴東慕少堂

出版者

蘭州俊華印書館

代表人 郭偉堂

發行者

蘭州俊華印書館

東大街五十七號

中華民國二十五年十二月初版

甘寧青史略卷十三

西藏從此附屬
於蒙古

宋理宗

癸丑

寶祐元年

蒙古憲宗三年

蒙古於河州置吐蕃宣慰司都元帥府

吐蕃唐古特族建國於跋

川布即今西藏雅魯藏布河滅吐谷渾據青海之地勢最盛始通漢土唐貞觀十五年太宗以文成公主遣嫁其王贊普與之媾和雖稍息烽火於一時然吐蕃傲慢窺唐室虛弱屢寇邊疆史稱唐室疲於吐蕃蓋以此也景雲元年睿宗苦吐蕃之寇不得已再以金城公主尙於贊普建中四年唐德宗再割今陝西以西地與之會盟於清水邊疆稍靖爾後吐蕃國勢偕唐俱衰種族無分立然其殘部猶散處西甯河州洮岷等處及四川邊界元世祖以前已封駙馬章古爲甯濮郡王鎮西甯至憲宗三年又於河州置吐蕃宣慰司都元帥府於四川檄外置魚通今四川省打箭爐黎今四川省清溪縣雅今四川省雅州府長河西亦今四川省打箭爐甯今四川省甯遠府等處之宣撫司世祖至元六年西歷紀元一千二百六十九年復置烏斯藏今前藏地宣撫司都縣其地封喇嘛高僧發思巴爲大寶法王尊爲帝師使領其地案西藏者唐宋曰吐蕃元曰西蕃明曰烏斯藏種族爲唐古特又曰圖伯將其地原爲四部一曰衛二曰喀木三曰藏四曰阿里又書史會要發思巴者吐蕃薩斯迦人也生有異表七歲能誦經典數萬言深通大義元世祖師之及卽位卽使之製蒙古字頒布天下慕壽祺曰元太祖崛起漠北執歐亞之牛耳世祖入主中夏吸中土之文化於是舉部落之民族一躍而登世界上之舞臺進化之速有非人所及料者而憲宗時代以文字不同

蒙起沙漢鐵騎縱橫時代 宋理宗

蘭州俊華印書館出版

甘寧青史略正編卷十三

二

此由雲南進入西康

民國七年天水
戰者身在水
行戰者身在水
故書曰靖國軍
軍長葉荃來取
天水與他本不
同書寇者迥乎

爲進化大障礙思維學術可以造未來之時勢乃尊發思巴爲帝師令製造蒙古新字頒布海內斯爲有學術之國家矣嗚呼可不謂盛哉

多十二月蒙古忽必資由臨洮進征大理滅之遂入吐蕃

忽必資以烏特哩哈達總諸軍事分三道進自

臨洮經行山谷二千餘里至金沙江乘革囊及筏以濟摩莎蠻主迎降進薄天理城大破其兵虜其王段智興分兵取附都鄯善烏爨等部進入吐蕃其酋蘇固圖懼而出降兵威所加鮮不款附忽必資遂班師留烏特哩哈達攻諸夷之未附者

案洮州衛明洪武十二年西平侯沐英創建東至岷州西灣壕六十里南至生番界三十里西至邊牆番界九十里北至臨洮府界景古城一百四十里永樂初設都指揮天順間設守備嘉靖間易守備爲參將萬歷間易參將爲副總兵清設掌印衛守備副總兵各一員後裁衛改爲洮州廳設同知控制諸番屏藩臨鞏誠西南之要地也蒙古兵由此取道自洮岷而松潘以達雲南松潘廳卽古龍涸與洮州連界

幕壽祺曰雲南古蠻瘴之鄉山川悠阻僻在西南無與中原形勢也然吾觀

西南用兵之形勢足以出奇制勝者莫過於雲南蓋雲南之險不在雲南而

在西蜀不在蜀之東南而在蜀之西北天下有事以大理爲根本由麗江而

北過金沙上洮岷據秦隴以西南而忽據西北上游之勢天下視聽必且一新
民國七年秋廣東國民政府規畫大西北主義命靖國第八軍軍長葉荃
率所部由雲南出發中經川陝直抵天水北政府聞之方以爲亞夫之兵從
天降也蒙古憲宗由臨洮進征大理滅之遂入吐蕃振威西藏兼有青海洵
善用兵者哉

丁巳五年蒙古主憲宗七年秋八月回鶻貢於蒙古回鶻獻水晶盆珍珠傘等物可值銀三萬餘錠蒙古主曰方今百姓疲弊所急者錢爾朕

獨有此何爲却之賽音諤德齊以爲言蒙古主稍賞其值且禁其勿復有所獻

戊午六年蒙古主憲宗八年冬十月蒙古主至白水江命秦鞏總帥汪德臣造浮橋以待臣德

汪世顯次子也年十八侍元太子遊獵矢無虛發嗣羣昌便宜都總帥軍出忠培所向克獲太祖聞其名召見所陳悉嘉納賜名田哥至是憲宗欲取蜀命德臣造浮橋以待大軍

庚申景定元年夏蒙古世祖皇帝呼必烈中統元年夏四月蒙古以廉希憲爲陝西四川宣撫使商

蒙起沙漠鐵騎縱橫時代 宋理宗

蘭州俊華印書館出版

甘寧青史略正編卷十三

四

挺副之蒙古阿里克布克稱帝於和林

阿里克布克聞呼必賚已立命阿拉克岱爾發兵於漠北諸部分遣心腹易置將佐

散金帛賚士卒又命劉太平霍魯懷拘收關中鐵穀時渾塔噶自先朝將兵屯六盤太平等陰相結納渾塔噶復分遣人約成都密喇卜和草青居奇塔特布哈同舉事阿里克布

遂自立於和林

案元史當憲宗崩於合州城下時呼必賚將兵渡淮宗王穆格自合州遣人以憲宗凶計來告請北還以繫人望呼必賚欲成功而還乃渡江圍鄂州會聞阿拉克岱爾等謀立阿里克布克郝經請與宋議和率經騎直造燕都呼必賚從之引兵北行諸王哈丹等會於開平轄魯自西域勤進惟阿里克布克不至廉希憲等力言宜早定大計呼必賚遂即位建元中統阿里克布克聞呼必賚已立遂稱帝於和林阿拉克岱爾及六盤守將渾塔噶舉兵應和林廉希憲等擊敗斬之二年冬世祖擊阿里克布克於錫默圖敗走之五年阿里克布克與諸王玉隴哈什等自歸於上都世祖以諸王皆太祖之裔并釋不問惟布拉噶伏誅

案世祖以中統紀元謂統一中國也當是時元之疆城占領亞洲大部及歐洲東北部創立空前絕後之蒙古大帝國其領土之廣與現在俄國相伯仲而地方之富庶則遠過之與現在英國相伯仲而氣脈之聯絡形勢之團聚則遠過之

五月蒙古劉太平果拉哈謀爲亂廉希憲捕誅之

太平果拉哈時駐六盤聞宣撫使廉希憲將至此五月一日乘傳急

渾都海時駐六

元胡經營西北
混一字內皆得
力於耶律楚材
廉希憲諸人之
輔弼也天意蓋
有屬矣

入京兆謀爲變素人前被阿勒達爾太平等威虐聞其來皆破膽越二日希憲亦至宣示詔旨遣人馳往六盤宣諭安撫未幾城門候引一急使至云來自六盤希憲詢之盡得太

平果拉哈與渾塔噶等要結狀希憲集僚佐謂曰主上命我輩正爲今日遂分遣人掩捕太平果拉哈等

案元史哈刺不花者征蜀時名將也渾都海嘗爲之副時駐六盤山以兵應阿里不哥商按謂廉希憲曰渾都海既叛若悉銳而東直搗京兆上策也聚兵六盤觀釁而動中策也重裝北歸以應和林下策也希憲曰彼將何從挺曰必出下策已而果然於是與希憲定議令八春汪良臣發兵禦之希憲得六盤之兵既北而阿藍答兒自和林引兵南來與哈刺不花渾都海遇於甘州哈刺不花以語不合引其兵北去阿藍答兒遂與渾都海合軍而南時諸王合丹率騎兵與八春汪良臣兵合乃分爲三道以拒之

蒙古以廉希憲爲中書右丞行秦蜀省事

希憲字善甫布魯海畏吾人世祖初分漢地爲十道并京兆四川爲一以希憲爲宣

撫使希憲宣詔旨安諭六盤捕太平亂黨渾都海反命汪惟良將秦鞏諸軍進六盤惟良辭未得旨希憲卽解所佩虎符銀印授之又發蜀卒令八春將之會有詔赦至希憲命絞太平等於獄方出迎詔人心遂安帝深善之別賜金虎符使節制諸軍時獲渾都海黨五十餘人希憲悉寬釋使隸八春其衆大喜咸願效力遂得精騎數千詔以希憲爲中書右丞行秦蜀省事渾都海西渡河趨甘州阿藍答兒復自和林提兵來合諸將戰不利河西大震蒙古主欲棄兩川退守興元希憲力言不可會親王合丹及汪惟良八春等合兵復戰於西涼大敗之斬俘略盡叛首俱伏誅事聞蒙古主大喜曰希憲真男子進拜平章政事

蒙起沙漠鐵騎縱橫時代 宋理宗

蘭州俊華印書館出版

甘寧青史略正編卷十三

六

甘州饑

三年又饑七月蒙古主以鏹銀一千五百錠濟甘州貧民十年六月賑甘州諸驛

蒙古主遣索托延郭守敬行視西夏河渠俾具圖來上

黃河爲甯夏利自古已然由漢唐以迄宋末渠多淤

塞蓋自西夏用兵不暇計及蒙古滅西夏遣郭守敬等先後開濬更立牘堰治渠之法駿備矣

慕壽祺曰河自積石山入河州匯浩亶湟水洪流奔注歷蘭靖而下崖岸陡削水勢湍駛至中衛之西四十里始落平川地名沙頭於此開美利渠爲中衛渠之最大者河由中衛順流而下至青銅峽水勢爲之一束峽口則有秦渠漢渠唐渠大清渠支分節取灌溉之利溥焉近年人心不古民力亦情渠多淤塞之患民鮮疏濬之功以各渠溉田之數計之今日漸就減少不力爲整飭農利將日至荒落矣

六月乙卯蒙古主徙甘州涼州寄居回回於江南各衛

時四陲有警不得已爲徙戎之策被徙者戶四百三

十六口一千四百七十九

案正統三年八月有歸附回回二百二人自涼州徙至浙江其種類遂蕃江浙矣明初於回族之來降者待之雖優而防之未嘗不至福建漳州衛指揮僉事楊榮因進表至京爲回回之編置漳州者寄書於其同類奉旨坐以交通外夷黜其後文教涵濡甘涼河湟之回有登科第建功勳而爲監司大員者矣

又案清同治九年攻克金積堡賊巢光緒二十一年勦平河狄兩處回匪當時辦理善後事宜或謂甘肅四面漢弱回強帶固根深處處棋布河州部落尤衆大東鄉一帶花門生計維艱日惟以掠盜爲資凌奪爲業與其用兵於後何如防禍於前今渠魁已殲而餘黨實繁請照元初成例徙甘肅回部之強悍者居江南財賦區上紓九重西顧之憂庶爲一勞永逸之計大吏以爲迂闊矧今國基鞏固回漢一家彼獻策徙戎者其亦可以不必要矣

慕壽祺曰甘涼寄屠之回寥寥無幾懾於蒙古兵威納款歸誠其無野心可知矣在彼之意進希朝廷哀矜保其宗教退望庇身有道護其妻兒雖乃高車駟馬狼所言未可盡信而離鄉去井人所難堪元世祖徙河西回族居彼澤國何示人以不廣也蓋回族團體堅固徙者其身不移者其心誰秉國鈞而多此一舉耶

秋八月蒙古諸王哈丹及巴崇汪良臣山丹州元帥按竺邇大破阿拉克岱爾

渾塔噶於甘州東

蒙古世祖初立阿里克布克亦稱帝於和林糾其黨阿拉克岱爾及六盤守將渾塔噶爲變渾塔噶聞京兆有備西渡河趨甘州阿

拉克岱爾自和林帥兵適至遂與渾塔噶合兵而南時諸王哈丹亦帥騎兵與巴崇汪良臣兵合分三道以拒之既陣大風吹沙良臣令軍士下馬以短兵突其左繞出陣後潰其右而出巴崇直擣其前哈丹勒精騎邀歸路大戰於甘州東殺渾塔噶阿拉克岱爾關隴悉平

案元史按竺邇引兵出耀碑谷會諸王戰於甘州城東耀碑谷俗名東樂大口子山徑四達北迤居延西連灰谷觀音山口其地址在故東樂縣城北十里龍頭山下進口七十餘

甘寧青史略正編卷十三

八

里至合黎山交蒙古界有界墩晉三門關明鐵門關皆在焉又北有居延城路伏波所守也

忽都叛據臨洮蒙古主命火奪都等以蒙古漢軍從大軍征討之

蒙古主師次臨洮遣玉律朮王君侯王鑑諭大理不果行

冬十一月蒙古張文謙以中書左丞行省西夏中興等路董文用爲行省郎中

以河渠副使郭守敬從

中興自渾塔噶之亂民間相恐動竄匿山谷文用爲書置通衢諭之民乃安羌俗素鄙野事無統紀文謙得蜀事陷於俘

擄者五六人理而出之使習吏事旬月間簿書有品式子弟亦知讀書俗爲一變先是古渠在中興者一名唐來其長四十里一名漢延長二百五十里他州正渠十皆長二百里支渠大小六十八灌田九萬餘頃兵亂以來廢壞淤淺守敬更立牐堰皆復其舊遂墾中興西涼甘肅瓜沙等州之七爲水田民之歸者四五萬悉授田文明造舟黃河中受諸部落及潰叛之來降者

元置河州路脫思麻路及羣昌平涼路洮陽西平府並隸陝西行中書省及陝西漢中道肅政廉訪司

案遼史宋嘉祐六年卽西夏稱禪都五年西夏靈夏二州大水蓋黃河環繞靈州其古渠五一秦家渠一漢伯渠一艾山渠一七級渠一特進渠與夏州漢源唐梁兩渠毗接餘支渠數十相與蓄泄河水又有賀蘭長樂鐸落諸山爲之隄障向無水患是時七級渠泛溢靈夏間廬舍居民漂沒甚衆雖天災非人力所能防而隄障工程不固一遇霖雨山水暴

漲冲口斷決沙石壅淤元郭守敬董文用修復唐來漢延各渠更立
牘堰今唐漢二壩是也舊制以薪木明僉事汪文輝易以石工益固

又案史記河渠書自武帝築宣房後朔方西河河西皆引河以溉田又匈奴傳云驃騎封
狼居胥山漢渡河自朔方以西至令居往往通渠置田官吏率此甯夏河渠所由昉也西

羌傳又云虞詡奏復朔方河西上郡使謁者郭璜激河浚渠爲屯田則開漢渠者虞詡郭
璜矣唐渠不見開鑿由始唐書李聽爲靈州大都督長史於境內復故光祿廢渠以溉田

甯夏在唐時爲懷遠縣隸靈州凡唐書所言靈州皆兼甯夏五原有光祿塞漢光祿勳徐
自爲所築渠名光祿意亦自爲所開然則今之唐渠或亦漢舊渠而復浚於唐耳又考甯

夏府志漢渠一名漢延渠其口開自甯朔縣陳俊堡二道河經府城東而北至甯夏縣王
澄堡歸入西河長一百九十五里八分大小陡口共四百七十一澆灌甯夏甯朔二縣田

五千六百九十分康熙四十年河西道鞠宸咨修康熙五十年同知王全臣重修各暗
洞并鑿以石唐渠一名唐來渠其口開自甯朔縣大壩堡青銅峽經甯夏城西而北至平

羅縣上寶開堡歸入西河長三百二十里七分一十三丈大小陡口共四百四十六澆灌
甯夏甯朔平羅三縣田五千七百六十三分清雍正九年重修此渠之最大者也堪與漢

唐二渠并稱者其性惠農渠乎他如靈州之秦渠金積縣之
漢家渠中衛之美利渠利則溥矣而流域皆不及漢唐二渠

慕壽祺曰余幼隨先大夫之甯靈廳者即今之金積縣也嘗往來甯夏於漢唐二渠源委
輒知大略漢延大支渠凡十三處曰水磨渠曰大北渠曰菓子渠曰瀉渾渠曰南皋渠曰

北皋渠曰大營後渠曰畢家渠曰各陡渠曰小營後渠曰大高渠曰南毛渠曰北毛渠唐
來大支渠共二十處曰大新渠曰紅花渠曰良田渠曰滿達刺渠曰白塔渠曰新濟渠曰

蒙起沙漠鐵騎縱橫時代 宋理宗

蘭州俊華印書館出版

大羅渠曰小羅渠曰菓子渠曰和集渠曰柳新渠曰黑沿渠曰亦小的新渠曰柳郎渠曰曹李渠曰楊沼渠曰他他渠曰掠米渠曰羅哥渠曰高榮渠皆天地自然之利每歲清明日疏濬民修而官督之故無地不渠無歲不秋古稱甯夏爲塞北江南其信然乎頃以兵戈擾攘沙石壅淤豈不可惜哉

辛酉二年

蒙古中統二年

夏六月丙辰蒙古主以汪良臣同簽鞏昌路便宜都總帥凡軍

民官並聽良臣節制

案鞏昌府志汪良臣亦世顯次子未弱冠卽隨德臣出征每戰當先任裨帥兼便宜都府參議尋拜鞏昌總領屯田白水蜀兵不復鈔略元主親政屬良臣供億事集而民不擾令權便宜總帥府事元世祖卽位阿藍答兒渾都海叛良臣討平之西鄙輯甯賜金符權便宜都總帥火里叛復討平之入覲元主稱其功良臣遜謝復嘉其讓賜甲冑轉同簽鞏昌便宜都總帥復以功授征南都元帥攻重慶破之受東川副統軍昭勇大將軍鞏昌便宜都總帥兼總管

蒙古主立甘肅路總管府始開水田

董文用葭城人爲西夏中興等路行省甯夏唐來漢延等渠拓拔氏據夏已有之矣宋末水利廢弛

益以兵爭有渠與無渠同至是文用始督開之

秋七月蒙古主賞鞏昌路總帥汪惟正將校斬渾都海功銀二千五百兩馬價

銀四千九百兩

先是中統元年秋九月阿魯答兒率兵至西涼府與渾都海軍合詔諸王合丹合必赤與總帥汪良臣等率師討之丙戌大敗其軍於姑藏斬

阿魯答兒渾都海西土悉平至是始行賞之

案鞏昌府志汪惟正字公理世顯孫也幼穎悟藏書二萬卷喜從文士論議古今治亂尤

喜談兵時出獵則勒從騎爲攻守狀元世祖立授襲父爵渾都海叛乞台不花應之惟正

卽命力士縛殺乞台不花元主嘉其功令東川軍事悉聽處分部長火都叛惟正以爲獷

大方肆狂齧不可驟戰發兵踵之賊欲戰不得休則撓之若是者兩月知其糧盡因與戰

屢捷而潛兵擒殺火都

銀符二金符十給中書省量軍國事情緩急付乘驛者佩之

九月癸未蒙古主遣員往撫甘肅等處

蒙古主以甘肅等處新罹兵革民務農安業者爲戍兵所擾遣河沙焦端義往撫治之以海青

案史理宗名昀太祖十世孫德昭後立爲太子在位四十年改元八曰寶慶曰紹定曰端

午曰嘉熙曰淳祐曰寶祐曰開慶曰景定景定五年冬十月帝崩太子禧卽位爲度宗

度宗

乙丑

咸淳元年

之

元之食軍沿金舊制也

是年元世祖入都於燕以劉秉忠為太保參議中書省事姚樞許衡廉希憲相繼宋子貞等相入開

元志甘肅行省有山丹縣本刪丹縣漢置以刪丹山得名

秋八月蒙古陝西五路新僉軍免發民戶

先是蒙古太宗七年僉陝西五路人匠充軍每二十人出軍一名至是陝西五路行

省言新僉軍七千人若發民戶恐致擾亂今鞏昌已有舊軍三千諸路軍二千餘二千人亦不必發民戶當以便宜起補從之

案金太祖即位始命以三百戶為謀克謀克十為猛安與萬戶千戶制略同外有漢軍大定時所置有事則僉取於民無事或以放免鎮防軍諸軍取以更代在西北邊則有分番屯戍軍及未屯軍驅軍之別邊鋪軍守河南陝西邊界者諸路効節軍章宗所置掌司弓手者河南陝西弩手軍宣宗興定二年選募二千人為一軍賜號威勇

戊辰四年蒙古至元五年秋七月丙子蒙古立西夏惠民局

蒙古主改甘肅路為甘州路始析肅州自為路

己巳五年蒙古至元六年蒙古巴延巴爾達罕禿忽魯叛於西夏命綦公直率軍討平之

蒙古主以阿只吉大王行山丹城事初即王分地也刪訛作山後因之

庚午六年蒙古至元七年夏五月甲辰威州五鳳川蕃族八千戶內附蒙古蒙古命其酋長來朝授宣命賜金符

案宋鄭文寶城古威州議曰威州在清遠軍西北八十里樂山之西唐大中時靈武朱叔明收長樂州邠甯張君緒收六關即其地也故壘未圯水甘土沃有良木薪桔之利約胡

清高宗贊哈國
奠曰中十回人
性多英勇曹其
然乎

阿千鎮在皋蘭
縣西南四十里
庫以炭

蘆臨洮二河壓明沙蕭關兩戍東控五原北
固峽口足以襟帶西涼咽喉靈武城之便

蒙古諸王拜答寒部曲饑就食甘州九月括戶口定田稅

六月壬戌蒙古主簽諸道回回軍蒙古征伐戎狄恆以回隊為前鋒以其性多英勇也且有團結力

冬十一月己巳蒙古主給河西行省鈔萬錠以充歲費

蒙古併阿干縣宋元豐六年置阿干堡於蘭州金世宗大定二十二年升阿干堡為縣屬蘭州至是併入州

蒙古河西諸郡諸王頓舍僧民協力供給

壬八年元至元九年咸淳七年十一月蒙古已改國號曰元冬十月丙戌朔元封皇子忙哥刺為安西王賜

京兆為分地駐兵六盤山後安西王出鎮秦蜀守將王土魯據六盤叛蒙古主聞之命別速帶領兵進討以汪世顯之孫惟正副之至六盤土

魯先據西山惟正分安西兵為左右翼而鞏兵居中去土魯里許皆下馬手弓勒射土魯突陣百騎中者三之一土魯軍遂却惟正逐之擒叛將燕只哥復進兵土魯亦就擒安西

王至燕勞之

蒙起沙漠驍騎縱橫時代 宋度宗 蘭州俊華印書館出版

甘寧青史略正編卷十三

十四

蒙古改國號曰
元能說出所以
然從此以後宋
元而元爲正統
矣

案蒙古世祖中統元年六月李壇侵淮安七月遣翰林侍讀學士修好於宋宋拘留之二
年九月諭將士舉兵攻宋詔曰前遣使於宋以通和好宋人不務遠圖反啓邊釁諸大臣
皆以南征爲請重以兩國生靈之故猶待信使南歸庶成和議留而不至者今又半載曲
直之分灼然可見今議卿等分道並進以爲問罪之舉至元五年九月阿珠劉整圍襄陽
六年正月遣史天澤益兵圍襄陽三月圍樊遂城鹿門七年城萬山八年五月詔東
道兵圍襄陽各道宜進兵牽制十一月建國號曰元取易經乾卦大哉乾元之意

癸酉九年 元至元

夏四月辛丑蒙古主罷四川行省以鞏昌總帥汪良臣爲東西

川統軍使

時良臣爲鞏昌二十四處便宜總帥復以功授征南都元帥攻重慶破之授東西川副統軍昭勇大將軍

蒙古主以皇子安西王分治秦蜀遂置開城府

以開遠堡置並置開城縣

案開城廢縣在今固原縣西南四十里宋咸平元年置開遠堡後爲縣元至元十年升爲
府仍視上都號爲上路至治三年降爲州治開城縣明初廢州爲縣成化三年縣省入州
慕壽祺曰元以前固原之沿革已不可考矣說者謂漢之廉縣卽今固原然其地在甯夏
縣北漢屬北地郡不如開城之近而易徵也夫蒙古初立開城府皇子與安西王藉以分
治秦蜀其關係爲何如耶明初不知關係之重要冒然廢之至有滿
四之變後以套虜大猖固原始爲重鎮而開城遺址尙有存焉者矣

甲戌十年 元至元

冬十月庚申蒙古長河西千戶必刺冲剽掠甲仗集衆爲亂火